

სიმდიდრე და კეთილდღეობა

რა კარგი იქნებოდა, თუ ყველა
სახელმწიფოში იარსებებდა
ჭეშმარიტი შეხედულება სიმდიდრეზე.
პლატონი

ბიორბი მაღაშხია
სტუ-ს პროფესორი (ემერიტუსი)

სოციალური ენერგია; დამატებული პროდუქტი;
სიმდიდრის დაგროვების კანონი; კეთილდღეო-
ბა; უქმი ეკონომიკა.

რეზიუმე

ნაშრომში გადმოცემულია სიმდიდრის შე-
ქმნისა და ზრდის ახალი, ალტერნატიული
კონცეფცია. ნაჩვენებია სიმდიდრის შექმნაში
სრულიად და ნაწილობრივ უსდასყიდლო სო-
ციალური ენერგიის წყაროთა: ბუნებრივი რე-
სურსების - მზის ენერგიის, კლიმატის, მიწის
ნაყოფიერების, წიაღისეული სიმდიდრის, ფლო-
რის ფაუნის, ჰიდროენერგიის და სხვ., ასევე
ანთროპოგენური - გამოყენების პროცესში
უქრობადი, წინა თაობებისაგან გადმოცემული
და ახლად მიღებული ცოდნის, გამოცდილების,
მეცნიერებისა და ტექნიკის, ინოვაციური აზრის
მონაწილეობა და როლი სიმდიდრის წარმოება-
ში. დამტკიცებულია სიმდიდრის ზრდა, მოგების
- დანახარჯებზე მეტად მიღებული დამატეუ-
ლი პროდუქტის წარმოქმნა სულ უფრო მეტი
მასშტაბით აღნიშნული უსასყიდლო რესურსე-
ბის შრომასა და წარმოების საშუალებებთან
შეერთებით. დასაბუთებულია, რომ უსასყიდ-
ლო სოციალური ენერგიის მზარდი მასშტაბით
ამოქმედების და კაპიტალური (გრძელვადიანი
მოხმარების) დოვლათის გამოყენების დროის
წარმოების დროზე რამდენჯერმე გადამეტები-
სას, ასევე საზოგადოების საწარმოო ძალთა
სამომხამრებლო ძალებზე ჭარბობის წყალო-
ბით სიმდიდრის ზრდის ტემპი აღემატება მისი
შექმნის ტემპს. ამაში გამოიხატება სიმდიდრის
ზრდის კანონი. ნაჩვენებია სიმდიდრის ზრდის
მიმართ საერთო კეთილდღეობის ჩამორჩენა
სიმდიდრის უსამართლო განაწილების, მოსახ-
ლეობის მეტისმეტი ქონებრივი უთანაბრობის,
მოხმარების არარაციონალურობის, ასევე იმის
გამო, რომ არსებობს უქმი ეკონომიკა, რომელ-
საც არ მოაქვს რეალური სარგებლობა.

საკვანძო სიტყვები: სიმდიდრე; სოციალური
ენერგია; უსასყიდლო რესურსები; უსასყიდლო

ძირითადი ტექსტი

სიმდიდრე როგორც ფართო განსჯის საგანი

სიმდიდრე უძველესი დროიდან იყო
მეცნიერული კვლევის საგანი. არსებობს მრავა-
ლი კლასიკური წიგნი, რომლებიც მიძღვნილია
სიმდიდრის შექმნის, განაწილების, გაცვლისა და
მოხმარების ფუნდამენტური პრობლემებისად-
მი. ჯერ კიდევ ძველ საბერძნეთში მე-5- მე-4 სს.
ჩვენს ერამდე **ქსენოფონტი** ნაშრომებში „საო-
ჯახო მეურნეობა“ და „გადასახადების შესახებ“
ფაქტობრივად იკვლევდა სიმდიდრის წარმოე-
ბისა და გადიდების, მწარმოებლურობის ზრდის
ფაქტორებს. ძველი რომაელი მოაზროვნეების
ნაშრომები, კერძოდ **კატონის** „მიწათმოქმედება“
და **ვარონის** „სოფლის მეურნეობა“ მიძღვნილია
სოფლის მეურნეობის პროდუქტების - მაშინდე-
ლი სიმდიდრის ძირითადი ნაწილის წარმოების
ორგანიზაციისადმი. მე-18 საუკუნეში გამოისცა
ფრანგი ეკონომისტისა და ფილოსოფოსის **ა. ტი-
ურგოს** წიგნი „განსჯა სიმდიდრის შექმნასა და
განაწილებაზე“. სიმდიდრის სხვასახევა ასპექტს
ეხება დიდი ინგლისელი ეკონომისტისა და ფი-
ლოსოფოსის **ადამ სმიტის** (მე-18 ს.) ნაშრომე-
ბი: „გამოკვლევა ხალხთა სიმდიდრის ბუნებისა
და მიზეზების შესახებ“ და „ზნეობრივ გრძნო-
ბათა თეორია“. დიდი ეკონომისტი **დ. რიკარდო**
სხვადასხვა კუთხით განიხილავდა სიმდიდრის
შექმნისა და განაწილების საკითხებს. ეკონო-
მიკური თეორიის კლასიკოსმა **ჟ. ბ. სემი** შეი-
მუშავა წარმოების ფაქტორებსა და დოვლათის
განაწილების ორიგინალური თეორია. დიდმა
თეორეტიკოსმა **დ. მილმა** გააღრმავა სიმდიდრის
შექმნისა და განაწილების ფაქტორების თეორია.
სიმდიდრე, მისი ზრდის ფაქტორები, განაწილება
და საზოგადოებისათვის გამოყენების შედეგები
სხვადასხვა ასპექტით გამოკვლეულია **კ. მარქ-**

სის მრავალტომიან წიგნში „კაპიტალი“ და სხვა ნაშრომებში. მე-19 ს. ბოლოს ამერიკელმა ეკონომისტმა **ჯ. კლარკმა** სიმდიდრეს ორი მაშრომი მიუძღვნა: „სიმდიდრის ფილოსოფია“ და „სიმდიდრის განაწილება“, რომლებშიც განხილულია სიმდიდრის შექმნისა და განაწილების საკვანძო საკითხები. მე-20 საუკუნეში სიმდიდრის გარშემო შექმნლ ნაშრომებს შორის საგულისხმოა **ა. პიგუს** „სიმდიდრე და აკეთილდღეობა“ და **ა. შ.** სხვადასხვა დროს სიმდიდრის თემა დიდ ადგილს იჭერდა ფილოსოფიური, სოციოლოგიური თუ მხატვრული აზროვნების სფეროში.

ჩვენს დროში სიმდიდრისადმი მიძღვნილია მეცნიერული, მეცნიერულ-პოპულარული, პუბლიცისტური, მხატვრული თხზულებების უზარმაზარი რაოდენობა. ამრიგად, სიმდიდრე მეცნიერების ერთ-ერთი საკვანძო თემაა. ეკონომიკურ მეცნიერებას კიდევაც თვლიან სიმდიდრის შესახებ მეცნიერებად.

საინტერესო საყურადღებო აზრები სიმდიდრეზე, მის რაობაზე, მნიშვნელობაზე ადამიანებისათვის, მისდამი სწორი დამოკიდებულების, მისი ფლობის სხვა ასპექტებზე, მოიპოვება ხალხურ შემოქმედებაში, რომელთა გათვალისწინება სასარგებლოა.

აღნიშნულის მიუხედავად, სიმდიდრის თემა თეორიული ასპექტით სრულიადაც არაა ამოწურული. დაზუსტებას, ახლებურ გაშუქებას საჭიროებს მისი რიგი ასპექტი, რომლებიც შეეხება სიმდიდრის რაობას, წარმოებას, სტრუქტურას, განაწილებას, გაცვლასა და მოხმარებას. სიმდიდრის თეორიის გადრმაგვებამ უნდა მოგვცეს უფრო სრული და ჭეშმარიტი ცოდნა ამ მეტად მნიშვნელოვან ფენომენზე.

ამჯერად მე შევეცდები მოკლედ, გარკვეული შევსებით გადმოვცე სიმდიდრის გარშემო ჩემი ხანგრძლივი კვლევის ცალკეული შედეგები, რომლებიც ასახულია ჩემს ადრინდელ შრომებში „მეტაეკონომიკა - ეკონომიკის ფილოსოფია“ [1] „მცირე ეკონომოლოგია. ეკონომიკური თეორიის ახალი პარადიგმები“ [2] და სხვა.

მოვლენების ღრმა წვდომისათვის მე ვცდილობ დავაფართოვო კვლევის მეთოდოლოგია. ამ მიზნით, კლასიკურ მეთოდებთან ერთად, ვიყენებ: **ანთროპოცენტრულ მიდგომას** - ეკონომიკურ და სოციალურ მოვლენათა განხილვას, ერთი მხრივ, ადამიანთა მოთხოვნილებებისა და ინტერესების, მეორე მხრივ, ადამიანთა შემოქმედებით-წარ-

მოებლური ძალის კუთხით; **აქსიომეტრიულ ანალიზს** - ცხოვრების ყოველგვარ მოვლენათა შეფასებას ადამიანურ ფასეულობათა: ზნეობის, სამართლიანობის, თავისუფლების, მშვენიერების, სიყვარულის და ა.შ. საბოლოოდ სიკეთისა და ბოროტების თვალსაზრისით; **ვედემონისტურ ხედვას** - სოციალურ-ეკონომიკურ პროცესთა და მოვლენათა აღქმას ადამიანთა ბედნიერების თვალსაზრისით.

ჩემი შეხედულებების ზუსტად გადმოცემისათვის შემოღებული მაქვს ცნებები: სოციალური ენერგია, უსასყიდლო რესურსები, დამატებული პროდუქტი, უქმი ეკონომიკა და სხვ.

სიმდიდრის რაობისა და შედგენილობის შესახებ პირველ რიგში საჭიროდ მიმაჩნია დაზუსტდეს სიმდიდრის რაობის განმარტება, მისი შედგენილობისა და სტრუქტურის შესახებ წარმოდგენა, რაც არსებობს მეცნიერებასა და პრაქტიკაში.

სიმდიდრეს ჩვეულებრივ განმარტავენ ეკონომიკური თვალსაზრისით. მაგალითად, ავტორიტეტული ინგლისური გამოცემა „თანამრდროვე ეკონომიკური თეორიის ლექსიკონი“ იძლევა მის შემდეგ განმარტებას: „ყველაფერი, რასაც აქვს საბაზრო ფასეულობა და შესაძლებელია გაიცვალოს ფულზე და დოვლათზე, შეიძლება განხილულ იქნეს როგორც სიმდიდრე. ის შეიცავს ფიზიკურ დოვლათს ანუ აქტივებს, ფინანსურ აქტივებს, ჩვევებს, უნარებს, ე.ი. ყველაფერს, რამაც შეიძლება მოიტანოს შემოსავალი. ყველა ეს ელემენტი განიხილება სიმდიდრედ, როცა ისინი შეიძლება გაიყიდოს ან შეძენილ იქნეს სასაქონლო ბაზრებზე. სიმდიდრე შეიძლება დაიყოს ორ ძირითად სახეობად: ნივთობრივი სიმდიდრე, რომელიც განსახიერებულია ფიზიკურ და ფინანსურ აქტივებში და იწოდება კაპიტალად და არანივთობრივი სიმდიდრე, რასაც ადამიანურ კაპიტალს უწოდებენ. სიმდიდრის ყველა სახეობას გააჩნია ძირითადი თვისება - მოაქვს შემოსავალი, რომელიც წარმოადგენს სიმდიდრის უკუგებას.“ [3. გვ. 530].

ამ განსაზღვრებაში სრულადაა ჩამოყალიბებული სიმდიდრის შესახებ თანამედროვე წარმოდგენა, რომლის მიხედვით იგი განიხილება როგორც ეკონომიკური, საბაზრო ობიექტი.

მიმაჩნია, რომ **სიმდიდრესადმი საჭიროა უფრო ფართო მიდგომა. კერძოდ, სიმდიდრის ქვეშ უნდა გვესმოდეს ყოველივე ის, რა-**

საც ადამიანისათვის რეალური სარგებლობა აქვს, ე. ი. ყოველგვარი სიკეთე, მიუხედავად მისი ფორმისა, მატერიალურია (ფიზიკურია) იგი თუ არამატერიალური (არაფიზიკური). ძირითადად ასეთად განიხილება სიმდიდრე პრაქტიკაში. გარდა იმისა, რაც იგულისხმება სიმდიდრეში ზემოთ მოტანილი განსაზღვრების მიხედვით, მე ვფიქრობ, რომ მას უნდა მივაკუთვნოთ არასაბაზრო ფასეულობებიც, რომელთაც ადამიანებისათვის სარგებლობა მოაქვს. კერძოდ, ასეთად შეიძლება უწინარესად ჩავთვალოთ კლიმატური პირობები, დედამიწის კონკრეტული პუნქტის ადგილმდებარეობის ხელსაყრელობა ადამიანთა ცხოვრებისა და საქმიანობისათვის. ჩემი გაგებით, სიმდიდრის არამატერიალურ სახეობებს უნდა მიეკუთვნოს სოციალური კავშირები, ე. წ. „სოციალური კაპიტალი“. ცხადია, რომ სოციალური კავშირები ადამიანებისათვის დიდი სარგებლობის მატარებელია, მათ გარეშე არავითარი საქმიანობა არ შეიძლება შედგეს. ამგვარი კავშირების მნიშვნელობა იზრდება თანამშრომლობის გაფართოების კვალობაზე ცხოვრების ყველა სფეროში ქვეყნების შიგნით და სართაშორისო მასშტაბით. საზოგადოებრივ სიმდიდრეს, როგორც მე წარმომიდგენია, უნდა მივაკუთვნოთ საზოგადოებრივი წესრიგი, უსაფრთხოება, სანართლიანობა და ეკონომიკური, პოლიტიკური, პიროვნებათაშორის ურთიერთობების ეთიკურობა. არამატერიალური, უხილავი არასაბაზრო, ფულით განუსაზღვრელი ფასეულობები, რომლებიც სარგებლობის მატარებელია, არანაკლებ საჭიროა ადამიანებისათვის, ვიდრე სიმდიდრის მატერიალური სახეები.

მაშასადამე, სიმდიდრეზე მსჯელობისას სიმდიდრის ჩვენს მიერ აქ დასახელებული სახეები არ უნდა იქნეს გამოტოვებული. ისინი შესაძლებელია უშუალოდ არ მიეკუთვნოს ეკონომიკურ ურთიერთობათა საგანს, მაგრამ მცირე კავშირი არა აქვთ ეკონომიკურ მოვლენებთან და პროცესებთან, ურთიერთობებთან. მათი შედეგები ირიბ გავლენას ახდენენ ეკონომიკურ პროცესებზე, დოვლთზე უმთავრესად კი პოზიტიური სოციალური სიკეთის მატარებლებია.

ცივილიზაციის პროგრესთან ერთად მათი მნიშვნელობა იზრდება. მაშასადამე, ეკონომიკურ მეცნიერებაში მათ უნდა დაეთმოს სათანადო ადგილი და ყურადღება. ამათან ერთად, ისინი დეტალურად უნდა განიხილებოდეს სოციალური

ფილოსოფიის, სოციოლოგიის, სოციალური ფსიქოლოგიის მიერ.

ცალკეული ქვეყნებისა და მსოფლიოს სიმდიდრის შესახებ საკმარისი არაა სტატისტიკური მონაცემები, რომლებიც მოცავს სიმდიდრის ფულად ერთეულებში შეფასებად ელემენტებს. სიმდიდრეზე სრული წარმოდგენისათვის, ჩემი აზრით, უნდა მოხდეს საზოგადოებრივი სიმდიდრის არამატერიალური და არაეკონომიკური ნაწილის შეფასება. შესაბამისი მეთოდის მეშვეობით შეიძლება მივიღოთ ამგვარ სიმდიდრეთა შესახებ მონაცემები თვისებრივი მახასიათებლების სახით. შესაძლებელია, მაგალითად, გამოვიყენოთ ცხოვრების ხარისხის ინდექსის მონაცემები და ა. შ. ასევე შევიშუშავოთ სხვა სახომები, მაგალითად სოციალური კავშირებისათვის, სამრთლიანობისათვის, ეთიკურობისათვის და სხვ. არსებული ინფორმაციის ბაზაზე გათვლილი ამ მონაცემებით შევსების შედეგ შესაძლებელი იქნება უფრო სრული წარმოდგენა ვიქონიოთ ქვეყნისა თუ მსოფლიოს სიმდიდრისა და მისი ცვლილების შესახებ.

სიმდიდრის შექმნასა და ზრდაზე როცა ვმსჯელობთ, უნდა გავითვალისწინოთ მისი მატერიალური და არამატერიალური (იდეალური) შემადგენლების, მათი წარმოქმნისა და ზრდის, ასევე განაწილების, კეთილდღეობასთან დამოკიდებულების თავისებურებები. მე ამ სტატიაში უმთავრესად განვიხილავ სიმდიდრეს ვიწრო გაგებით, როგორც განიხილება ეკონომიკურ მეცნიერებაში, ე. ი. რომელიც ფასდება ფულად ერთეულებში, წარმოადგენს საბაზრო ურთიერთობის საგანს, რამდენადაც სიმდიდრის ყველა სახეობის კვლევისათვის სათანადო ინფორმაცია ჯერჯერობით არ არსებობს. ამასთან შესაძლო ფრგლებში ვეხები სიმდიდრის არაეკონომიკურ სახეობებსაც.

სიმდიდრის შექმნისა და ზრდის პროცესი

მე ვფიქრობ, რომ სიმდიდრის შექმნისა და ზრდის პროცესის ეკონომიკური შინაარსი ახლებურად უნდა იქნეს გაგებული. ჩემი აზრით, არსებული თეორიები არაადეკვატურად და არასრულად ხსნიან ამ პროცესს. არ გაითვალისწინება საწარმოო რესურსების ხასიათი წარმოშობისა და ეკონომიკური შინაარსის მიხედვით, მისი ასახვა წარმოების საბოლოო შედეგებში, შექმნილი დოვლათის რაოდენობაზე და მის ზრდაზე.

კერძოდ, ახლებურ გაშუქებას საჭიროებს სიმდიდრის შექმნასა და გადიდებაში **უსასყიდლო რესურსების მონაწილეობა და როლი**.

დავიწყებ იმით, რომ მარტივ კვლავწარმოებას, ანუ წარმოების უცვლელი მასშტაბებით გამეორებას აზრი აქვს მის შედეგად მიიღებულის, წარმოების რესურსებიდან განსხვავებული, სრულიად ახალი პროდუქტების ადამიანთა მოთხოვნილებების დასაკმაყოფილებლად აუცილებლობის გამო, რაც უამისოდ შეუძლებელია. ასეთი კვლავწარმოება საზოგადოების ინტერესებს არასრულად შეესაბამება, არ ხდება კეთილდღეობის გაუმჯობესება. საზოგადოებისთვის კი აუცილებელია განვითარება, **რისთვისაც წარმოების შედეგები მეტი უნდა იყოს გამოყენებულ საშუალებებზე**. აუცილებელია რესურსების არსებობა და გამოყენება ასეთი ზრდისათვის, ისეთი რამ, რაც უზრუნველფს წარმოების შედეგების მეტობას დანახარჯებთან შედარებით. მაგრამ როგორ შეიძლება ეს? ამაზე ჩემი აზრით, ეკონომიკურ მეცნიერებაში არაა სათანადო პასუხი.

გვიჩრობ, რომ არ შეესაბამება სინამდვილეს ე.წ. **კონიუნქტურული თეორია**, რომ საბაზრო წონასწორობის პირობებში არ წარმოიშვება არც მოგება, არც ზარალი, ე.ი. შემოსავლები უდრის წარმოების დანახარჯებს. ასეთ პირობებში არ არსებობს დაზოგვისა და დაგროვების წყარო. ეკონომიკა გაყინული ხდება. ეს ნიშნავს, რომ წარმოების ეფექტიანობა არ იზრდება, ეკონომიური ზრდის წყარო არ არსებობს, ეკონომიკური საქმიანობის შედეგი ნაკლებია.

ვერ ხსნის მოგების - წარმოების შემოსავლების დანახარჯებზე მეტობას თეორია, რომელიც მის წყაროდ თვლის **რისკსა და განუზღვრელობას**. რისკი და განუზღვრელობა არ შეიძლება საქმიანობის შედეგების გადიდების წყარო იყოს. ისინი შეიძლება არსებობდეს, მაგრამ არ წარმოიქმნას მოგება - დანახარჯებზე მეტი შემოსავალი.

დანახარჯებზე მეტი პროდუქტის მიღების ნამდვილ წყაროს ვერ გვიჩვენებს თეორიები, რომელიც ასეთად მიიჩნევს **კაპიტალს, ასევე მეწარმეობრივ უნარს (ნიჭს)**. ეს თეორიები მოგებას მიაწერს ერთ ფაქტორს, მაშინ როცა **ერთი ფაქტორი არაფერს არ ქმნის, წარმოების შედეგი წარმოიქმნება ფაქტორთა ერთობლივი მოქმედებით**. ამასთან, აღნიშნული თეორიები არ

იძლევა დამაჯერებელ პასუხს, თუ როგორ ქმნის კაპიტალი და სამეწარმეო უნარი გაწეულ დანახარჯებზე მეტ შემოსავალს, საიდან და როგორ წარმოიშვება იგი.

აღამ სმითის მიხედვით, მოგება **საქონლის დამატებული ღირებულების ნაწილია**, რომელიც შექმნილია შრომით და რჩება შრომის ანაზღაურების (ხელფასის) გადახდის შემდეგ, მიითვისება კაპიტალისტის მიერ, უნაწილდება შესაბამის შემთხვევებში რენტისა და სასესხო პროცენტის სახით მიწათმფლობელებსა და კრედიტის მიმწოდებლებს. [4, გვ. 114-129].

ა. სმითი, ამრიგად, ცნობდა მოგების შრომით წარმომავლობას. გამოდის, რომ წარმოების შედეგად არ წარმოიქმნება მეტი ღირებულება (პროდუქტი), ვიდრე დახარჯულია სახსრები. მოგება შექმნილი ღირებულების გადააწილების შედეგიადა არა გადამეტება დანახარჯებზე. მოგების შრომით წარმომავლობას იზიარებდა დიდი ეკონომისტი დ. რიკარდოც. აქაც მოგება ითვლება ერთი ფაქტორის - შრომის ნაყოფად, რაც არ შეესაბამება სინამდვილეს, რამდენადაც ერთი ფაქტორი, როგორც აღინიშნა, არაფერს ქმნის, არც ღირებულებას.

კ. მარქსის **ზედმეტი ღირებულების თეორია** [5, გვ. 227-384] დახარჯულ სახსრებზე მეტი შემოსავლის, მისი ტერმინოლოგიის მიხედვით, **ზედმეტი ღირებულების (პროდუქტის)** მიღებას ხსნის მუშაკთა აუნაზღაურებელი შრომის ნაყოფად, რასაც ითვისებს კაპიტალისტი. ასეთი მითვისება მუშაკთა ექსპლუატაციად განიხილება. ამრიგად, არსებობდა დამატებული პროდუქტი - მოგება, მარქსის მიხედვით, ერთი ფაქტორით იქმნება, რაც როგორც აღინიშნა, არ ხდება. ამ შემთხვევაში, შექმნილი ღირებულება უდრის დანახარჯებს, არ წარმოიქმნება დამატებული პროდუქტი - ეკონომიკის ზრდისა და პროგრესის წყარო. ეს კი სინამდვილეში ასე არ არის.

ჯ. კლარკის მიხედვით, „თავისუფალი კონკურენცია მიისწრაფის მისცეს შრომას ის, რაც შექმნილია შრომით, კაპიტალის მესაკუთრეს - ის, რაც კაპიტალით იქმნება, მეწარმეს - ის, რაც კოორდინირების ფუნქციითაა შექმნილი.“ [6, გვ. 11]. აქაც ვხედავთ, რომ მიღებული შემოსავალი ითვლება ცალკეული ფაქტორების შექმნილად, მაგრამ ეს შემოსავლები, როგორც ითქვა, სინამდვილეში არ შეიძლება მიივაწეროთ ცალკეულ ფაქტორებს.

არც ერთი განხილული თეორია ყურადღებას არ აქცევს იმას, რომ წარმოების პროცესის შედეგად, როგორც წესი, ვიღებთ მეტ პროდუქტს, ვიდრე გაწეული საერთო ხარჯებია. მოგება თითქოს გადანაწილების ხარჯზე წარმოიშვება, რაც ვიღაცას ემატება, აკლდება სხვას ან ყველა იღებს იმდენს, რანდენიც შექმნა. საბოლოოდ იგულისხმება, რომ მიღებული პროდუქტის ღირებულება უდრის რესურსების მთლიან დანახარჯებს, წარმოების ფაქტორთა სუბიექტების წვლილს. სიმდიდრის ზრდის, განვითარების მთელი აზრი კი იმაშია, რომ წარმოების შედეგი, როგორც წესი, მეტია გაწეულ დანახარჯებზე, ე.ი. ვიღებთ წარმოების ფაქტორებზე დანახარჯებს დამატებულ პროდუქტს, რომელიც არის დაზოგვისა და განვითარების წყარო.

ეკონომიკურ თეორიათა ამ მიმოხილვის შემდეგ მე ვაკეთებ დასკვნას წარმოების პროცესის შედეგად დანახარჯებზე მეტი სიკეთის, პროდუქტის მიღების უმნიშვნელოვანესი ფაქტი ახლებურად უნდა აიხსნას. მე ვცდილობ მოკლედ გადმოვცე დანახარჯებზე მეტი შედეგის (დოვლათის) მიღების ალტერნატიული კონცეფცია. რატომ უნდა, არ ვეხები წარმოების ტექნოლოგიურ ასპექტებს. ყურადღებას ვამახვილებ მხოლოდ პრობლემის ეკონომიკურ მხარეზე.

მე მივდივარ იმ აზრამდე, რომ წარმოების ფაქტორები უნდა დაიყოს მათი წარმომავლობის, დანახარჯების წარმოქმნაში მათი როლის მიხედვით. ასე გვაქვს სრულიად უდანახარჯო (უსასყიდლო) ნაწილობრივ დანახარჯიანი (ანაზღაურებადი) და მთლიანად ანაზღაურებადი რესურსები. საზოგადოების საწარმოო, ე.ი. წარმოების პროცესში მონაწილე ძალების პოტენციალს მე განვიხილავ სოციალურ ენერგიად. შესაბამისად გვაქვს სოციალური ენერგიის სრულიად უსასყიდლო, ნაწილობრივ ანაზღაურებადი და სრულიად ანაზღაურებადი ნაწილები. ამ საფუძველზე ვცდილობ მე ავხსნა დახარჯულ სახსრებზე მეტად მიღებული პროდუქტის წარმოშობა. საგულისხმოა, რომ სიმდიდრის შექმნაში მნიშვნელოვანი ადგილი უკავია სოციალური ენერგიის უსასყიდლო ნაწილს, ხოლო დანახარჯებზე მეტი - დამატებული - პროდუქტის წყაროს კი წარმოადგენს უსასყიდლო სოციალური ენერგია. მისი რესურსები შედგება სხვადასხვა ელემენტებისაგან.

ეს პრველ რიგში ბუნებრივი რესურსებია,

რომელთა გარეშე არ არსებობს არავითარი წარმოება. ისინი უსასყიდლოა სრულად ან ნაწილობრივ, არავის მიერ არა შექმნილი, ბუნებამ „მოუშადა“ ადამიანებს და „ჩუქნის“ მათ. მზის ენერგია, კლიმატური პირობები, მიწის ნაყოფიერება სრულიად უსასყიდლოა. ჰიდრო რესურსები, წიაღისეული, ლანდშაფტის სილამაზე და ა.შ. ბუნების „საჩუქრებია“, მაგრამ მათი გამოყენებისათვის აუცილებელია ადამიანთა შრომა და წარმოების საშუალებები, ე.ი. გარკვეული დანახარჯების გაწევა.

უსასყიდლო, აუნაღზდაურებადია რიგი ანთროპოგენური რესურსი, რომლებიც სიმდიდრის შექმნაში მონაწილეობს. ისინი, ისევე როგორც ბუნებრივი რესურსები, მრავალგვარია. ასეთია პირველ რიგში ცოდნა, გამოცდილება, მეცნიერულ - ტექნიკური მიღწევები, შემოქმედებითი მოღვაწეობის ყოველგვარი პროდუქტი, რომლებიც გადმოეცემა მოქმედ თაობას წინა თაობებისაგან ყოველგვარი ანაზღაურების გარეშე. უსასყიდლოდ უნდა ჩაითვალოს წარსულიდან მემკვიდრეობით მიღებული კაპიტალი. ეს ნიშნავს, რომ სიმდიდრის შექმნაში არაპირდაპირ (არაცხადად), მონაწილეობენ წინამორბედი თაობები აღნიშნული უსასყიდლოდ წყაროებით. დანახარჯებზე მეტის, უსასყიდლო შედეგის მომცემ რესურსებად წარმოგვიდგება აგრეთვე ახალი ცოდნა, მეცნიერულ-ტექნიკური სიახლეები, რომლებიც ეკონომიკურ და სოციალურ პროგრესს ემსაურება. ისინი მიიღება განათლებაზე, კვლევებზე, საძიებო-გამომგონებლურ სამუშაოებზე და ა.შ. გარკვეული დანახარჯების ფასად, მაგრამ მათზე დანახარჯები იძლევა ბევრად მეტ შედეგს უსასყიდლო ძალების გამოყენებით.

უსასყიდლოს მიეკუთვნება ასევე ადამიანთა ბუნებრივი ნიჭი განსაკუთრებით შემოქმედებითი უნარით უხვად დაჯილდოებულთა, გენიოსების უნარი, რომელთაც დაკავშირებულია მნიშვნელოვანი, ზოგჯერ რევოლუციური მეცნიერული და ტექნოლოგიური მიღწევები, პროგრესი ეკონომიკაში. ყოველივე ეს ზრდის დამატებულ პროდუქტს და მთელ სიმდიდრეს.

კონკრეტულად როგორ წარმოიშვება დახარჯულზე მეტი შედეგი წარმოების პროცესში ეს ყურადღების და პასუხის გარეშე რჩება. ყველა დაინტერესებული დამატებული პროდუქტის მეტი სიდიდით და არა წარმოქმნის მიზეზებით.

თეორიული ეკონომიკის პრობლემები

რესურსების ნაწილის უსასყიდლო ხასიათი შეიძლება აგხსნათ შემდეგნაირად. ბუნებასთან არ წარმოიშევა ეკონომიკური ურთიერთობა. ის უშუალოდ და უანგაროა, არ მოითხოვს არავითარ საზღაურს ადამიანებისაგან მიწოდებული უზარმაზარი რაოდენობის რესურსებისათვის. ანთროპოგენური რესურსების უსასყიდლოება კი იმაში გამოიხატება, რომ წინა თაობები ბუნების მსგავსად უანგარონი არიან. ამ რესურსების მოხმარება დაკავშირებულია ბუნების უსასყიდლო ძალების გამოყენებასთან.

ამასთან ერთად, ანთროპოგენური უსასყიდლო ძალები ჩვეულებრივ თავიდანვე ატარებენ ინფორმაციულ ხასიათს, მრავალ ჯერ გამოიყენება მორალურად გაცვეთამდე, არ იხარჯება, არ ცვდება, ემსახურება წარმოების პროცესს ერთ დონეზე მწყობრიდან გამოსვლამდე. ცოდნის, მეცნიერულ - ტექნიკურ და ორგანიზაციულ სიახლეთა, ინფორმაციის მრავალჯერადი მოქმედება არ ზრდის მათზე დანახარჯებს, გარდა იმისა, რაც საჭიროა გამოყენებისათვის. მათი მონაწილეობა დოვლათის შექმნაში შესაბამისად უსასყიდლოა.

უსასყიდლო ძალების მონაწილეობა სიმდიდრის შექმნაში ამითაც არ ამიწურება. არსებობს კიდევ **სოციალური ენერგიის სხვა უხილავი წყაროები**. თუ დავაკვირდებით სიმდიდრის შექმნასა და ზრდას, დავინახავთ, რომ მასში მონაწილეობს ბუნებრივად მიმდინარე პროცესები, როგორიცაა: შრომის დანაწილება (სპციალიზაცია), წარმოების კონცენტრაცია, კოოპერირება, კომბინირება, თანამშრომლობა და სხვა, რაც ასევე ატარებს უსასყიდლო ხასიათს. ამ შემთხვევებში პროცესები წარმოადგენს არა ადამიანთა შეგნებული მოქმედების შედეგს, არამედ ეკონომიკის ფუნქციონირების თანმდევს. ისინი უშუალოდ დანახარჯების გარეშე განაპირობებენ ეკონომიკური შედეგების მიღებას - წარმოების, შრომისა და წარმოების საშუალებათა მწარმოებლობის, დამატებული პროდუქტის (მოგების) ზრდას, პროდუქციის ხარისხის გაუმჯობესებას და ა.შ.

განსაკუთრებული მნიშვნელობა აქვს სოციალური ენერგიის თვისებას, რომელიც გამოიხატება იმაში, რომ ის, ფიზიკური ენერგიისაგან განსხვავებით, მუდმივი არაა, არამედ ცვალებადია, უმთავრესად იზრდება არამატერიალური ხასიათის წყაროების - ცოდნის, მეცნიერული

მიღწევების, გამოგონებათა, ყოველგვარი ნოვაციების, ასევე ბუნების ძალათა ინტენსიური გამოყენების შედეგად.

ამრიგად, აღნიშნულ გარემოებათა გამოგვაქვს **უსასყიდლო სოციალური ენერგია, რომელიც იძლევა დამატებულ - დანახარჯებზე მეტ პროდუქტს**. სახელდობრ ამ სოციალურ ენერგიას უნდა მივაწეროთ სიმდიდრის ზრდა, რასაც ადგილი აქვს ცალკეულ საწარმოში, ქვეყანაში და მთელ მსოფლოში.

სრულიად და ნაწილობრივ უსასყიდლო რესურსების გამოყენებას აქვს საკვანძო მნიშვნელობა დოვლათის ზრდაში. რაც უფრო მეტად გამოიყენება ასეთი რესურსები, მით მეტია შრომისა და წარმოების საშუალებათა მწარმოებლობა. ამაში გამოიხატება წარმოების, ეკონომიკის პროგრესი.

სიმდიდრის შექმნისა და ზრდის ღრმა განხილვისას შეიძლება დავინახოთ მისი გადიდების კიდევ ერთი მომენტი. **განვთარებულ საზოგადოებაში სიმდიდრის ზრდა უსწრებს მის შექმნას**. მწარმოებლობა ძალა აღემატება სამომხმარებლო ძალას, გამოყენების ხანგრძლივობა დიდად ჭარბობს წარმოების ხანგრძლივობას. ამის შედეგად გროვდება სიმდიდრე. ამაში განსაკუთრებული მნიშვნელობა აქვს იმ გარემოებას, რომ შექმნილ დოვლათში დიდი ადგილი აქვს კაპიტალურ, ხანგრძლივი მოხმარების დოვლათს, რომელიც მოხმარების აქტის დროს არ ქრება, განაგრძობს არსებობას. იგი გარკვეული დროის მანძილზე, ხშირად დიდხანს გამოიყენება (შენობა-ნაგებობები და სხვ.). რა თქმა უნდა, კაპიტალური პროდუქტების სამომხმარებლო პოტენციალი კლებულობს ცეთის შესაბამისად, მაგრამ მათი სარგებლობა თითქმის უცვლელია. მაგალითად, გზა, ლითონსაჭრელი დაზგა, კომპუტერი, მტვერსასრუტი და ა.შ. ხანგრძლივად გამოიყენება და დაახლოებით ერთ დონეზე ემსახურება მომხმარებელს ცვეთის მიუხედავად. ეს მომენტი შესაძლებელია ახდენს გავლენას სიმდიდრის ზრდის გასწრებაზე მისი შექმნის მიმართ. გაფართოებული კვლავწარმოების პირობებში სიმდიდრეს ყოველწლიურად ემატება ახლადშექმნილი პროდუქციის უდიდესი ნაწილი, ის მეტია მწყობრიდან გასული სიმდიდრე, რადგან წარმოების მასშტაბი ადრე ნაკლები იყო.

ამავე დროს სიმდიდრის მოხმარება ჩამორჩება წარმოებას კაპიტალური დოვლა-

თის იმ თვისების გამო, რომ იგი უფრო დიდ ხანს ძლებს, ვიდრე საჭიროა დრო მისი წარმოებისთვის. ამ დროს მნიშვნელობა აქვს იმასაც, რომ განვითარებული საზოგადოების მწარმოებლური ძალა მეტია სამომხმარებლო ძალაზე. აქედანაც გამომდინარეობს, რომ სიმდიდრის ზრდის ტემპი მეტია შექმნის ტემპზე.

საბოლოოდ, ვედავთ, რომ საზოგადოება უფრო მეტად მდიდრდება, ვიდრე იქმნება სიმდიდრე. ამაში მდგომარეობს სიმდიდრის დაგროვების კანონი. ეს თვალნათლივ დასტურდება შემდეგი მონაცემებით. მსოფლიოს სიმდიდრის მატებამ 2011- 2019 წლებში შეადგინა 56, 3 %, მაშინ როცა მსოფლიოს მთლიანი პროდუქტი გაიზარდა 36, 3 %-ით.¹

ზემოთ აღნიშნული მომენტები სიმდიდრის ზრდის გასწრების თაობაზე მის შექმნასთან შედარებით, ცხადია, მეტად მნიშვნელოვანია ცალკეული პირებისა და მთელი საზოგადოების კეთილდღეობის თვალსაზრისით.

დამატებული პროდუქტისა და სიმდიდრის განაწილება

რაც შეეხება დამატებული პროდუქტის განაწილებას, აქ გადმოცემული შეხედეულების ლოგიკით, არ შეესაბამება სინამდვილეს მარქსიზმის მოძღვრება, რომლის მიხედვით, კაპიტალისტები ითვისებენ მუშათა შრომით შექმნილ ე.წ. ზედმეტ ღირებულებას (დამატებულ) პროდუქტს, რომელიც შექმნილია დქირავებული მუშაკთა შრომით. ამას მარქსი უწოდებს მუშაკთა ექსპლუატაციას. მაგრამ დაქირავებული მუშაკები, როგორც წესი, იღებენ ხელფასს, რაც შეესაბამება მათ წვლილს დოვლათის შექმნაში. წარმოების საშუალებათა მფლობელები და ორგანიზაციული ფუნქციის შემსრულებლები კი ეკონომიკური ძალაუფლების საფუძველზე ითვისებენ მეტ ნაწილს, ვიდრე ეკუთვნით დოვლათის შექმნაში მათი წვლილის მიხედვით, ე.ი. იმ ნაწილს, რომელიც ობიექტურად, როგორც საყოველთაო უსასყილო რესურსების მონაწილეობის შედეგად შექმნილი, ეკუთვნის მთელ საზოგადოებას. მაშასადამე, იმთავითვე ამ მიზეზით, და არა მარქსის განმარტების საფუძველზე, დოვლა-

¹ გაანგარიშებულია მონაცემების მიხედვით, რომლებიც აღებულია წყაროებიდან :ЭКОНС 25 октября 2019 ; Карманный справочник мировой статистики. ООН, Нью - Йорк , 2018 с.3. Всемирный банк . Анализ 30 января 2018. Пресс- релиз. №: 2018/097/ENR

თისა და დამატებული - დანახარებზე მეტი - პროდუქტის განაწილება არის უსამართლო.

ამასთან, უნდა გავითვალისწინოთ კაპიტალისტების მიერ მითვისებული დამატებული პროდუქტის გამოყენება. მისი უდიდესი ნაწილი უბრუნდება (ემსახურება) საზოგადოებას ინვესტიციების, ბიუჯეტში გადასახადების, ქველმოქმედების და სხვა სახით, ე.ი. ადგილი აქვს მის სოციალიზაციას. ამასთან, კაპიტალისტებს კიდევ რჩებათ მეტი, ვიდრე ეკუთვნით, რაც ხმარდება მათ ფუფუნებით მოხმარებას და სხვა სურვილებს. ამრიგად, საბოლოოდაც დამატებული პროდუქტისა და სიმდიდრის კაპიტალისტური განაწილება არის უსამართლო.

უნდა ითქვას, რომ კაპიტალისტების როლი და ფუნქცია კ. მარქსის მიერ იგნორირებულია, რაც ეკონომიკურ სინამდვილეს ამახინჯებს. ისინი არ არიან პარაზიტები, არამედ უნდა მივაკუთვნოთ მშრომელებს. მათ შორის არიან დიდი ტალანტები, გენიოსებიც, რომლებიც საზოგადოებრივ პროგრესს ემსახურებიან.

ყველაფერი ეს არ ნიშნავს, რომ კაპიტალიზმის დროს ადგილი არა აქვს მუშაკთა შრომის ექსპლუატაციას. ისინი ხშირად იღებენ ნაკლებს, ვიდრე ეკუთვნით შექმნილი დოვლათის სამართლიანი განაწილების პირობებში.

კეთილდღეობის ჩამორჩენა სიმდიდრის ზრდისაგან

სიმდიდრის ზრდისა და კეთილდღეობის ურთიერთ კავშირის შესახებ მინდა ჩემი მოსაზრება ქვემოთ ჩამოვყალიბო.

ვთვლი, რომ სიმდიდრე, განსაკუთრებით ეკონომიკური, უნდა განვიხილოთ ორი კუთხით: სახეზე არსებული სიმდიდრე და სასარგებლოდ გამოყენებული სიმდიდრე. ისინი ერთმანეთისგან საგრძნობლად განსხვავდება. პრაქტიკიდან ნათელია, რომ შექმნილი მატერიალური სიმდიდრის არც თუ მცირე ნაწილი რჩება სრულად ან ნაწილობრივ გამოუყენებელი სხვადასვა მიზეზით. სხვანაირად რომ ვთქვათ, ეკონომიკური დოვლათი სრულად არ ტრანსფორმირდება სოციალურ სიკეთეში.

ამის შესახებ მსჯელობა შეიძლება დავიწყოთ იქიდან, რომ ეს დაკავშირებულია სიმდიდრის არასამართლიან განაწილებასთან. ცალკეული ადამიანების ხელში გროვდება უზარმაზარი სიმდიდრე, საქმე გვაქვს ზომასგადასულ ქონებრივ

თეორიული ეკონომიკის პრობლემები

უთანასწორობასთან საზოგადოებაში, რომლის მდიდარი ნაწილის მიერ დაგროვილი სიმდიდრის გონივრული და რაციონალური გამოყენება არ ხდება. ამის გამო დოვლათი ნაწილი საზოგადოებაში გამოუყენებელი ან არასრულად გამოყენებულია.

დაკვირვების შედეგად შეიძლება დავინახოთ, რომ, პირიქით, დოვლათის სამართლიანი განაწილებისას მისი სასარგებლო პოტენციალის „წონა“ - მოთხოვნილებათა დაკმაყოფილების უნარი - მატულობს. **სამართლიანი განაწილების** ქვეშ აქ ვგულისხმობთ საზოგადოების თითოეული წევრის მიერ იმის მიღებას, რასაც ის იმსახურებს პირადი შრომითი წვლილის მიხედვით დოვლათის შექმნაში ან შემოსავლის მიღებას ალტრუისტული პრინციპის საფუძველზე იმათ მიერ, ვისაც სხვადასხვა მიზეზით არ შეუძლია შრომითი საქმიანობა. სამართლიანი განაწილების დროს საზოგადოებრივი სიმდიდრიდან მიიღება მეტი სარგებლობა, ვიდრე უსამართლო განაწილების პირობებში. უკანასკნელ შემთხვევაში დოვლათის სარგებლობის პოტენციალის ნაწილი იკარგება, მისი ნაწილობრივ ან სრულიად გამოუყენებლობის, ცაკლეული ადამიანების მიერ, ზედმეტი, სამომხმარებლო ძალაზე ჭარბი დოვლათის დაგროვების გამო.

სიმდიდრის განაწილების უსამართლობის შედეგად არსებობს უკიდურესი უთანაბრობა. ასე, მაგალითად, 1980- 2016 წლებში ყველაზე მდიდარი მოსახლეობის შემოსავლების ზრდამ მსოფლიოში შედგინა 27 %, ხოლო ყველაზე ღარიბებისა - 13%.¹ ამრიგად, ეკონომიკური პროგრესი არაერთნაირად ახდენს გავლენას მოსახლეობის სხვადასხვა ნაწილის კეთილდღეობაზე.

ეკონომიკური თანამშრომლობისა და განვითარების ორგანიზაციის (ეთგო) მონაცემებით, მდიდრებისა და ღარიბების კეთილდღეობის განსხვავება იზრდება. ორგანიზაციაში შემაჯალ 34 ქვეყანაში ყველაზე მდიდარ მცხოვრებთა 10% იღებს თითქმის 10- ჯერ მეტ შემოსავალს, ვიდრე ღარიბი 10% .²

უნდა აღინიშნოს სიმდიდრის სარგებლობის ზრდის ისეთი უსასყიდლო ფაქტორი, როგორიცაა **გონივრული და რაციონალური მოხმარება**. როცა ისინი დაცულია, ადგილი არა აქვს სა-

გნების ზედმეტად დაგროვებას და მოხმარებას, რასაც ამჟამად ხშირად ვხვდებით, განსაკუთრებით მათი მხრით, ვისაც მაღალი შემოსავალი აქვს. ცნობილია, რომ ხშირად მომხმარებლები აგროვებენ ზედმეტ ნივთებს შეძენის დროს არასწორი არჩევის, დაბალი სამომხმარებლო კულტურის, მოდის, სხვისი მიბადვის, სახმარი ნივთების თავმოყრის ჩვევის, გამო, პრესტიჟისათვის და სხვ. უხმარი რჩება საგნები, რომელთაც იძენენ ზოგიერთები (ე.წ. შოპოპოლიკები) შეძენისადმი თვითმიზნური მიდრეკიელების მიზეზით, იმის მიუხედავად, სჭირდებათ თუ არა ისინი. ყველაფერი ეს შეადგენს საოჯახო მეურნეობისათვის **ზედმეტ - არასრულად ან სრულიად მოუხმარ პროდუქტებს**. ნებისმიერ ასე თუ ისე შეძლებულ ოჯახში ვიპოვით ამგვარ საგნებს. მფლანგველური დამოკიდებულების, მოხმარების დაბალი კულტურის მიზეზით იყრება მოსმარების საგნების არც თუ ისე მცირე ნაწილი. ფართო გაგებით ზედმეტს შეიძლება მიეკუთვნოს საომარი ტექნიკა, რომელიც გამოუყენებელი დევს საწყობებში რეზერვის სახით (კარგია, რომ გამოუყენებელია, მაგრამ უკეთესი იქნებოდა, რომ სულაც არ იყოს საჭირო).

სპეციალისტები თვლიან, რომ გამოუყენებელი და არსრულად გამოყენებული დოვლათი მთელი სამომხმარებლო დოვლათის ერთ მესამედსაც შეადგენს. სიმდიდრის ამ ნაწილის შექმნასა და არსებობას მე ვუწოდებ **უქმ ეკონომიკას**. სიმდიდრის სარგებლობის პოტენციალის სრულად გამოყენება კი შეამცირებსა დანაკარგებდა და გაზრდიდა კეთილდღეობის ამაღლების შესაძლებლობას.

ეს ეკონომიკური განვითარების დიდ ხარვეზია თანამედროვე მსოფლიოში.

მსოფლიოში სიმდიდრის ზრდისაგან კეთილდღეობის ჩამორჩენის შესახებ წარმოდგენას გვაძლევს მთლიანი სამამული პროდუქტის (მ ს პ) ზრდის გამაწრები მატება ხელფასის მატებასთან შედარებით, რაც ჩანს შემდეგი მონაცემებიდან (ცხრილი 1).

1 Источник: CIA World Factbook World Inequality Lab Доклад о неравенстве в мире 2018

2 World Inequality Lab Доклад о неравенстве в мире 2018.

მ ს კ და ხელფასის მატება მსოფლიოში (%-ობით)

	2008	2009	2010	2011	2012	2013	2014	2015	2016	2017
მსკ*	3,1	-0,1	5,1	3,8	3,1	3,3	3,3	3,0	3,1	3,2
ხელფასი**	1,2	1,6	2,2	1,0	2,2	2,0	2,1	1,8	2,4	1,8

* Источник: CIA World Factbook BBC NEWS Русская с служба, 15 мая 2015г

** МОТ. Доклад „ Заработная плата в мире , с. 4.

ხელფასის წილი მსკ-ში 1970 წლის 51 %-იდან მსოფლიოში 2013 წელს შემცირდა 43 %-მდე. აშშ - ში ეს წილი შეადგენდა 1950 წელს 65, 4 %-ს, 2000 წელს - 63,3 %-ს, 2012 წელს - 58,7 %-ს.¹

შექმნილი დოვლათის სამართლიან განაწილებასა და ზომიერ, რაციონალურ გამოყენებაში არის საზოგადოების საერთო კეთილდღეობის ამაღლების ყურადღებები რეზერვები. მეტად არსებითია დოვლათის განაწილება იყოს სამართლიანი, ყველა მომხმარებელი კი - რაციონალური. მაგრამ ეს პირობები დარღვეულია. ამრიგად, ეხედავთ, რომ არსებობს სიმდიდრის რელური სასარგებლო პოტენციალის წარმოების ზრდისაგან დამოუკიდებლად გადიდების ფაქტორები, რაც ყურადღებას იმსახურებს.

სიმდიდრეს თუ განვიხილავთ ფართო გაგებით, როგორც მსჯელობა იყო სტატიის პირველ ნაწილში, ვნახავთ, რომ კეთილდღეობასა და ეკონომიკურ სიმდიდრეს შორის არაა სრული პირდაპირი დამოკიდებულება. ამას შეიძლება თვალი მივადევნოთ ქვეყნების მსკ სულაღობრივი სიდიდისა და საერთაშორისო ორგანიზაციების მიერ შემუშავებული და გათვლილი კეთილდღეობის ამსახველი ინდექსების. მათ შორის ბედიერების საერთაშორისო ინდექსის (ბსი)² და სოციალური პროგრესის ინდექსის (სპი)³ შედარებით (ცხრილი 2).

¹ Зарплаты в США Tadviser, 23. 09. 2019

² ბსი ასახავს ადამიანთა კეთილდღეობასა და გარემოს მდგომარეობას ქვეყანაში. ინდექსის გაანგარიშებისათვის სამი მაჩვენებელი გამოიყენება: ადამიანთა ცხოვრებით სუბიექტური დაკმაყოფილება, სიცოცხლის მოსალოდნელი ხანგრძლივობა და გ.წ. ეკოლოგიური უსაფრთხოება.

³ სპი 50 მაჩვენებელს ითვალისწინებს. ისინი სამჯგუფად ერთიანდება: ადამიანთა ძირითადი ცხოვრებისეული მოთხოვნილებების დაკმაყოფილება; ადამიანის კეთილდღეობის საფუძვლები - საბაზო ცოდნისადმი და კომუნიკაციის საშუალებებისადმი მისაწვდომობა, ჯანდაცვის დონე, ეკოლოგიური მდგომარეობა; ადამიანის განვითარების შესაძლებლობები - პირადი და სამოქალაქო თავისუფლების დონე, ადამიანის უფლებათა და შესაძლებლობათა უზრუნველყოფა გადაწყვეტილებათა მიღებისა და თავისი პოტენციალის რეალიზების მხრივ.

ამ შერჩევითი მონაცემების მიხედვით, ცალკეულ ქვეყნებში უკეთესია მატერიალური უზრუნველყოფის მაჩვენებელი (სულაღობრივი მსკ), ვიდრე სი : აშშ - ში, იაპონიაში, ესპანეთში, იტალიაში, ესტონეთში, ინდოეთში , ხოლო სპი უმჯობესია, ვიდრე მატერიალური უზრუნველყოფის მაჩვენებელი შვეიცარიაში, ნიდერლანდებში, იაპონიაში, ესტონეთში, ინდოეთში. შეიძლება ვამტკიცოთ, რომ სხვა ქვეყნებში ანალოგიური სურათია, რაც მიუთითებს მატერიალურ პირობებზე კეთილდღეობის არასრული დამოკიდებულების და მასში არამატერიალური ელემენტების მნიშვნელოვანი როლის შესახებ .

ჩემი ზარით, მომავლისათვის ყურადღების საგანი უნდა იყოს **ეკონომიკური ზრდის ზღვარი**, რის შესახებაც საკითხი ჯერ კიდევ გასული საუკუნის შუა პერიოდში წამოჭრეს „რომის კლუბის“ წარმომადგენლებმა. უთუოდ არასწორია ყველა ქვეყანას მიზნად ჰქონდეს მუდმივი ეკონომიკური ზრდა, განსაკუთრებით მაღალგანვითარებულებს. ზრდის ტემპი უნდა განისაზღვროს აუცილებლობის მიხედვით და არ უნდა იყოს თვითმიზანი.

ყურადღება მინდა გავამახვილო კეთილდღეობის ისეთ წყაროებზე, როგორიცაა უხილავი სოციალური სიმდიდრეები, რომელთაც არა აქვს მატერიალური და ფულადი განზომილება და რომელთა შედეგები შეიძლება გაიზომოს ან ნაწილობრივ აისახოს შესაბამისი ხარისხობრივი ინდიკატორებით. მათ, როგორც სიმდიდრის შემადგენლებს, ეკონომიკურ მეცნიერებაში ნაკლები ყურადღება ექცევა, რაც გამოსწორებას საჭიროებს. მათი სათანადო დონის გრეშე საერთო კეთილდღეობა არ შეიძლება მაღალი იყოს, განსხვავება მატერიალურ დონესა და საერთო კეთილდღეობას შორის გაიზრდება. ისინი იქმნება როგორც ცხოვრებისეული მოვლენების და ურთიერთობათა თანმდევი ფასეულობები შეიძლება ორადი ხასიათისა იყოს - ეკონომიკური და სო-

თეორიული ეკონომიკის პრობლემები

ცხრილი 2

ცალკეული ქვეყნების რეიტინგი მ ს კ სულაღობრივი სიდიდსა და ბ ს ი და ს პ ი მიხედვით

ქვეყნები	მსკ ერთ მცხოვრებზე ¹		ბსი ²		სპი ³	
	ადგი-ლი	ათასი დოლ.	ადგი-ლი	ინდე-ქსი	ადგილი	ინდე-ქსი
ნორვეგია	6	72,1	2	7,59	6	90,3
შვეიცარია	9	61,6	5	7,49	5	90,1
აშშ	11	59,8	18	6,89	18	86,4
ნიდერლანდები	13	53,9	6	7,44	7	89,8
იაპონია	27	42,9	54	5,92	17	86,4
ესპანეთი	31	38,9	36	6,31	16	87,0
იტალია	32	38,2	47	6,00	24	82,6
ესტონეთი	42	31,7	63	5,74	23	83,0
რუსეთი	59	27,9	59	8,00	67	67,2
ინდოეთი	122	7,18	133	4,19	93	58,4

ციალური ან მხოლოდ სოციალური შედეგების მომტანი.

სოციალური კავშირები ადამიანის ცხოვრების თანამგზავრია თავისი სხვადასხვა ფუნქციით. მათ გარეშე თანამედროვე პირობებში საქმიანობა შეუძლებელია ან მისი ეკონომიკური და სოციალური სიკეთე ბევრად მცირდება. **წესრიგი** როგორც ეკონომიკურ, ისე სოციალურ სიკეთეთა შექმნის საკვანძო ფაქტორია. მისი მნიშვნელობა დიდია ცალკეული ეკონომიკური ერთეულების, ასევე მთელი საზოგადოების მასშტაბით. წესრიგი აღიღებს საქმიანობის ეფექტიანობას ყველა სფეროში და აუმჯობესებს ცხოვრების პირობებს, რის გარეშე ადგილი აქვს ქაოსს და დანაკარგებს. წესრიგის სასარგებლო შედეგები მთლიანობაში შეუძლებელია გაიზომოს ზუსტ ერთეულებში, მაგრამ შეიძლება შეფასდეს ხარისხობრივად.

ისეთ უხილავარა ეკონომიკურ სიკეთებს, როგორიცაა: ეთიკურობა, სამართლიანობა, თავისუფლება, უსაფრთხოება და სხვა პირდაპირი ეკონომიკური შედეგი არ გააჩნიათ, მაგრამ მათი როლი დიდია ეკონომიკის ფუნქციონირებაში. მაშასადამე, ისინი შეიძლება ჩაითვალოს ეკონომიკის ეფექტიანობის ფაქტორებად, მისი განვითარების რესურსებად. **მათი ძირითადი შედეგები კი სოციალური სიკეთეა.** არაეთიკური, უსამართლო, არათავისუფალი და ა.შ. საზოგადოება, კოლექტივი, პიროვნება არ შეიძლება ცივილიზებული და ჰუმანური, ადამიანთა იდეალის შესატყვისი, ბედნიერი იყოს. საბოლოოდ გვეჩვენება

ბა საზოგადოება, რომელსაც აკლია კეთილდღეობისათვის აუცილებელი ელემენტები.

აღნიშნულიდან გამომდინარეობს, რომ სიმდიდრის დასახელებილი სახეობები მონაწილეობენ საზოგადოების განვითარების დონის ჩამოყალიბებაში, ადამიანთა ბედნიერი ცხოვრების პირობათა შექმნაში, მისი ცივილიზებულობის, ადამიანურობის, ხარისხის გარანტიების შექმნაში. ისინი არანაღებ მნიშვნელოვანია, ვიდრე სიმდიდრის ეკონომიკური სახეობები. საზოგადოება განვითარების მით უფრო მაღალ დონეზეა, რაც უფრო მეტად არსებობს ეს ფასეულობები და რელიზდება ისინი ცხოვრებაში. ამას პირველ რიგში უნდა აცნობიერებდნენ ქვეყნების ლიდერები, პოლიტიკოსები. მსოფლიოში მთლიანად ამ მხრივ გარკვეულ პროგრესს ვხედავთ, მაგრამ რჩება მრავალი პრობლემა, რომელთა გადაჭრა დაბრკოლებებს ხვდება. პროგრესული კაცობრიობის ძალისხმევა უთუოდ იქნება მიმართული მათი გადაჭრისაკენ. უნდა ველოდოთ, რომ ისინი აუცილებლად გამოიღებს ნაყოფს.

დასკვნა

ზემოთ გადმოცემულიდან გავაკეთებთ რამდენიმე ძირითად დასკვნას.

სიმდიდრის თეორია საჭიროებს **გაფართოებას და ფუნდამენტურ დებულებათა გაახლებას.** პირველ რიგში ფართო გაგებით სიმდიდრის შედგენილობაში უნდა გავითვალისწინოთ არაე-

¹ ru.wikipedia.org/wiki/Список_стран_по_ВВП_(ППС)_на_душу_населения

² https://gtmarket.ru/ratings/satisfaction-with-life-index/info

³ https://gtmarket.ru/research/social-progress-index/info.

ეკონომიკური, უხილავი ფასეულობები, რომელთაც ადამიანებისათვის, საზოგადოებისათვის მოაქვს სარგებლობა. შემდეგ, სათანადოდ უნდა შეფასდეს სიმდიდრის შექმნაში სრულიად და ნაწილობრივ უსასყიდლო, არავისგან აუნაზრაურებადი ბუნებრივი და ანტროპოგენური რესურსების როლი და ეკონომიკური შენაარსი, რომლებიც ქმნიან უსასყიდლო სოციალურ ენერგიას - დანახარჯებზე დამატებული პროდუქტის წყაროს. უნდა გავითვალისწინოთ, რომ ეს მიმატებული პროდუქტია სიმდიდრის ზრდისა და დაგროვების წყარო.

განვითარებული საზოგადოების სიმდიდრე იზრდება უფრო სწრაფად, ვიდრე დოვლათის წარმოება კაპიტალური დოვლათის თვისების შედეგად, რაც გამოიხატება იმაში, რომ მისი სამსახურის დრო მრავალჯერ აღემატება წარმოების დროს. ამასთან, მისი არამატერიალური ნაწილი მოხმარებისას არ ქრება, მხოლოდ შეიძლება მორალურად გაცვდეს. ასევე განვითარებული საზოგადოების საწარმოო ძალები აღემატება მის სამომხმარებლო ძალებს.

ახლანდელი ეკონომიკური სისტემის პირობებში **შექმნილი დოვლათის განაწილება არასამართლიანია** იმის გამო, რომ ეკონომიკური ძალაუფლების - წარმოების საშუალებათა კერ-

ძო მფლობელებს და მმართველობითი ფუნქციის შემსრულებლებს აქვთ შესაძლებლობა მიითვისონ მეტი, ვიდრე ეკუთვნით დოვლათის შექმნაში მათი წვლილის მიხედვით. სწორედ ამ შედეგად წარმოიქმნება საზოგადოებაში უკიდურესი ქონებრივი უთანაბრობა, რაც ამცირებს სიმდიდრის გამოყენებისა და სარგებლობის პოტენციალს.

დოვლათის მოხმარება არარაციონალური-ბით, დაბალი კულტურით, მფლანგველობით ხასიათდება, მომხმარებლების დიდი ნაწილში საჭირო ზომიერების არ არსებობის გამო.

საერთო კეთილდღეობა თანამედროვე პირობებში ჩამორჩება სიმდიდრის ზრდას სწორედ დოვლათის არასამართლიანი განაწილებისა და არარაციონალური მოხმარების შედეგად.

ხალხებისა და მთელი კაცობრიობის წინაშე დგას გამოწვევა გადალახულ იქნეს გარღვევა სიმდიდრის ზრდასა და კეთილდღეობის ამაღლებას შორის, რაც დაკავშირებული იქნება სიმდიდრის სამართლიან განაწილებასთან და რაციონალურ, ზომიერ და გონვრულ მოხმარებასთან, საზოგადოებრივ ურთიერთობათა მაღალ ეთიკურობასთან, ჰუმანურობასთან, უზრუნველყოფს ეკონომიკურ ზრდისა და საერთო კეთილდღეობის ტემპების დაახლოებას და თანხვედრას.

გამოყენებული ლიტერატურა:

1. გიორგი მაღაშხია. მეტაეკონომიკა - ეკონომიკის ფილოსოფია. ეკონომიკა, თბილისი, 1995, 560 გვ.
2. Малашиха Г.М. Малая экономология. Нывые парадигмы экономической теории. Palmarium Academic Publishing. Саарбрюкен(Германия), 2018, с . 24.
3. Пеарце Давид (гл. ред) Словарь современной экономической теории перевод с англ. ИНФА- М., 1997, С. 608.
4. ა. სმითი, გამოკვლევა ხალხთა სიმდიდრის ბუნებისა და მიზეზების შესახებ. ტ.1, ი.ჭავჭავაძის სახ. სახელმწიფო უნივერსიტეტი. თბილისი , 2007, 504 გვ.
5. კ. მარქსი, კაპიტალი . ტ. 1 საქართველოს სსრ სახელმწიფო გამომცემლობა, თბილისი, 19 54, 992 გვ.
6. Кларк Дж. Распределение богатства. Перевод с англ. Гелиос АРВ, М., 2000, с.368.

Wealth and Prosperity

Georgi Malashkhia

Professor of the Georgian Technical University (emeritus)

Summary

The paper sets out a new, alternative concept of wealth creation and growth.

The participation and role in the production of wealth of gratuitous (unpaid) resources, in whole or in part, are shown: natural - solar energy, climate, fertility of the earth, minerals, flora, fauna, etc., as well as anthropogenic, not disappearing when used, transferred by previous generations and new knowledge, experience, achievements of science, technology, innovative thought. The article proves the growth of wealth, the formation of profit - an added product due to the combination on an ever-increasing scale of the specified free resources with labor and means of production. It is confirmed that as a result of attracting an increasing amount of free social energy, the accumulation of capital (durable) goods, the time of consumption of which is many times longer than the time of their production, and also in view of the excess of the productive force of a developed society, its consumption power, the growth rate of wealth outstrips their rate creation. The lag of the general welfare from the growth of wealth is substantiated in view of the inequality of the distribution of wealth, the extreme inequality of the population in terms of wealth, as well as the irrational consumption of goods, the presence of an idle economy that does not serve the satisfaction of reasonable needs of the economy.

Key concepts: wealth, social energy, free resources, free social energy, added product, law of accumulation of wealth, idle economy, welfare.